

Na osnovu člana 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona", broj 7/10), a u vezi sa članom 41. stav 1. Zakona o izvršenju Budžeta Zeničko-dobojskog kantona za 2012. godinu ("Službene novine Zeničko-dobojskog kantona", broj 05/12), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na 64. sjednici, održanoj 24.05.2012. godine, d o n o s i

ZAKLJUČAK

o usvajanju Programa utroška sredstava Budžeta za zdravstvenu zaštitu životinja u 2012. godini

I.

Usvaja se Program utroška sredstava budžeta za zdravstvenu zaštitu životinja u 2012. godini, u razdjelu 23, potrošačka jedinica 01, budžetska organizacija 0001, Budžeta Zeničko-dobojskog kantona za 2012. godinu, ekonomski kod 614 400, NAD 405 "Subvencije-veterinarstvo" u iznosu od 200.000,00 KM (slovima: dvijestotinehiljada konvertibilnih maraka).

II.

Sredstva iz tačke I. ovog zaključka realizovat će se u skladu sa odobrenim mjesečnim operativnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade Kantona.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/12.
Datum, 24.05.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.



**PROGRAM UTROŠKA SREDSTAVA BUDŽETA
ZA ZDRAVSTVENU ZAŠTITU ŽIVOTINJA U 2012. GODINI**

Zenica, maj 2012. godine

Podaci o programu

Program je usvojen:	na 64. sjednici Vlade Zeničko-dobojskog kantona održanoj 24.05.2012. godine.
Period realizacije Programa:	Realizacija programa zdravstvene zaštite životinja izvršiti će se u periodu od 01.01. do 31.12.2012. godine. Napomena: U ovom periodu izvršit će se i isplata nadoknade štete za ubijene konje koji su pozitivno dijagnosticirani u 2011. godini a neškodljivo uklonjeni (eutanazirani) u 2012 godini.
Ukupna vrijednost Programa:	200.000 KM.
Namjena Programa:	Zdravstvena zaštita životinja.
Korisnici Programa:	Veterinarske stanice, poljoprivredni proizvođači-vlasnici životinja, Općine.
Izvor sredstava:	Budžet Zeničko-dobojskog kantona u 2012. godini, Ministarstvo za poljoprivredu, šumarstvo i vodoprivredu, "Subvencije-veterinarstvo" i Zakon o izvršenju Budžeta Zeničko-dobojskog kantona za 2012. godinu ("Službene novine Zeničko-dobojskog kantona", broj: 05/2012).
Odgovorna osoba:	Samir Selimović, ministar

I UVOD

Zakonom o veterinarstvu (*"Službene novine Federacije BiH"*, broj: 46/00) utvrđeni zadaci budućeg programa zdravstvene zaštite životinja.

Po Programu za 2012. godinu za zdravstvenu zaštitu životinja ukupno su opredjeljena sredstva u iznosu od **200.000 KM**.

U izradi Programa za 2012. godinu korišteni su slijedeći parametri:

- Epizootiološka situacija na području Ze-do kantona,
- Zakonske obaveze,
- Kontinuitet preventivnih mjera,
- Preporuke Općina i Veterinarskih stanica sa područja Kantona.

Ispoštovan je dogovor sa Federalnim ministarstvom poljoprivrede, vodoprivrede i šumarstva oko harmonizacije programa zdravstvene zaštite životinja, u smislu da nema preklapanja federalnih i kantonalnih programa.

II AKTIVNOSTI PROGRAMA ZDRAVSTVENE ZAŠTITE ŽIVOTINJA

Na osnovu trenutne procjene epizootiološke situacije na području Zeničko-dobojskog kantona, a u skladu sa Zakonom o veterinarstvu i raspoloživim sredstvima Budžeta kantona za 2012. godinu, planira se provođenje sljedećih aktivnosti:

1. Preventivna cijepljenja domaćih životinja,
2. Naknada za ubijene životinje,
3. Serološka pretraga na IAK-a svih konja
4. Pomoć u rješavanju problema pasa lotalica,
5. Vakcinacija svinja protiv svinjske kuge,
6. Sufinasiranje dijagnostičkog ispitivanja krava u laktaciji – Mliječni karton
7. Rezervni fond – za vanredne situacije i naknade štete kod naglih uginuća životinja
8. Dijagnostičke pretrage na druga zarazna oboljenja domaćih životinja
9. Rezerva

1. Preventivna cijepljenja domaćih životinja

Za preventivna cijepljenja domaćih životinja (goveda) planira se utrošiti **25.000 KM**. Cijepljenje domaćih životinja protiv određenih zaraznih bolesti životinja koje se mogu prenijeti i na ljude, kao što je Crni prišt (Bedrenica ili Antraks). Zakonski osnov za ovo je član 124. Zakona o veterinarstvu ("*Službene novine Federacije BiH*" , broj: 46/00) koji obavezuje Kanton za planiranje sredstava za provođenje prevencije, suzbijanja i iskorjenjavanja zaraznih bolesti životinja.

2. Naknada za ubijene životinje

U ove svrhe planira se **30.000 KM** za slučajeve pojave posebno opasnih zaraznih bolesti domaćih životinja za koje je propisano ubijanje i neškodljivo uklanjanje bez liječenja. Zakonski osnov za ovo je član 45. Zakona o veterinarstvu ("*Službene novine Federacije BiH*", broj: 46/00) .

3. Serološka pretraga na IAK-a svih konja

Preventivno dijagnostičko ispitivanje domaćih životinja (konja) na zaraznu bolest Infektivna anemija konja, planira se iznos od **15.000 KM**. Zakonski osnov za ovo je član 124. Zakona o veterinarstvu ("*Službene novine Federacije BiH*", broj: 46/00) koji obavezuje Kanton za planiranje sredstava za provođenje prevencije, suzbijanja i iskorjenjavanja zaraznih bolesti životinja.

4. Pomoć u rješavanju problema pasa lotalica

Sredstva u iznosu od **10.000 KM** će biti dodjeljivana Općinama kao pomoć u rješavanju problema pasa lotalica. Zakonski osnov za ovo je član 124. Zakona o veterinarstvu ("*Službene novine Federacije BiH*" , broj: 46/00) koji obavezuje Kanton za planiranje sredstava za provođenje prevencije, suzbijanja i iskorjenjavanja zaraznih bolesti životinja.

5. Rezervni fond – za vanredne situacije i naknade štete vlasnicima životinja kod naglih uginuća

Planirana sredstva u iznosu od **10.000 KM** odobravati će se po potrebi i kada se utvrdi kod vlasnika uginuće, kao i u slučajevima vanrednih situacija ili pojave iznenadnih i neočekivanih bolesti.

6. Sufinansiranje dijagnostičkog ispitivanja krava u laktaciji – Mliječni karton

Sufinansira se izrada mliječnih kartona za krave u laktaciji sa područja Zeničko-dobojskog Kantona, u ukupnom iznosu od **90.000 KM**. Zakonski osnov za ovo je član 124. Zakona o veterinarstvu ("*Službene novine Federacije BiH*", broj: 46/00) koji obavezuje Kanton za planiranje sredstava za provođenje prevencije, suzbijanja i iskorjenjavanja zaraznih bolesti životinja.

7. Vakcinacija svinja protiv svinjske kuge

U svrhu provođenja procedura u skladu sa zakonom radi zaštite svinja od zarazne bolesti svinjska kuga koja bi se provela vakcinacijom, planira se utrošiti **15.000 KM**. Zakonski osnov za ovo je član 124. Zakona o veterinarstvu ("*Službene novine Federacije BiH*" , broj: 46/00) koji obavezuje Kanton za planiranje sredstava za provođenje prevencije, suzbijanja i iskorjenjavanja zaraznih bolesti životinja.

8. Dijagnostičke pretrage na druga zarazna oboljenja domaćih životinja

Na osnovu člana 124. Zakona o veterinarstvu FBiH (*Službene novine broj: 46/00*), a u svrhu podmirenja troškova za prevenciju, suzbijanje i iskorjenjivanje zaraznih bolesti domaćih životinja koje su od interesa za kanton. Provođeci to kroz dijagnostičko ispitivanje kod sumnje i pojave zaraznih bolesti, planirano je **2.500 KM**.

9. Rezerva

Kao rezerva planiraju se sredstva u iznosu od **2.500,00 KM**.

III KRITERIJI ZA RASPODJELU SREDSTAVA

Odobrena finansijska sredstva ostvariti će iz budžeta Zeničko-dobojskog kantona pod stavkom "Subvencije -veterinarstvo", a odobravati će se fizičkim i pravnim licima (u daljem tekstu: korisnici) prema slijedećim kriterijima:

A. Opći kriterij

Životinje koje budu obuhvaćene ovim programom zdravstvene zaštite moraju biti upisane u jedinstveni registar domaćih životinja u skladu sa pravilnikom o obaveznom obilježavanju. Pravilnik o obaveznom označavanju i upisu jedinstveni registar ovaca, koza i svinja, te vođenje evidencija (Službene novine FBiH broj: 87/07) i Pravilnik o označavanju životinja i šemi kontrole kretanja životinja u BiH (Službeni glasnik BiH broj:28/03).

B. Posebni kriteriji

1. Preventivna cijepljenja domaćih životinja

Raspodjela sredstava za preventivno cijepljenje domaćih životinja izvršiće se na osnovu utvrđenih distrikta, trenutne epizootiološke situacije i izvještaja Veterinarskih stanica o pojavi Antraxa na području djelovanja istih. Ostali kriteriji će biti regulisani Odlukom o odobravanju sredstava.

2. Naknada za ubijene životinje

Sredstva planirana za ove namjene iskoristiće korisnici koji ispune uslove za nadoknadu štete za ubijene životinje u skladu sa Zakonom o veterinarstvu i Pravilnikom o postupku isplate nadoknade štete za neškodljivo uklonjene seropozitivne životinje (Službene novine FBiH broj: 23/08).

3. Serološka pretraga na IAK-a svih konja

Sredstva za ovu svrhu će biti dodijeljena Općinama koje će biti zadužene da putem veterinarskih organizacija, realizuju navedenu aktivnost na području svojih općina, te izvrše dijagnostiku od zarazne bolesti Infektivna anemija konja. Ostali kriteriji će biti regulisani Odlukom o odobravanju sredstava.

4. Pomoć u rješavanju problema pasa litalica

Sredstva će biti dodjeljivana na osnovu konkretne aktivnosti za formiranje i uspostavljanje Azila za pse (troškovi projektne dokumentacije, nabavka veterinarsko zdravstvene opreme za higijeničarske službe itd.). Kao korisnici ovih sredstava će biti Općine ZDK- kantona.

5. Rezervni fond – za vanredne situacije i naknade štete vlasnicima životinja kod naglih uginuća

Sredstva će se odobravati po potrebi i na način određen za konkretnu aktivnost, odnosno za slučaj vanrednih situacija ili pojave iznenadne ili neočekivane zarazne bolesti domaćih životinja (**antrax**). Također, sredstva će se odobravati po potrebi kada se utvrdi da uginuće nije nastalo kao posljedica nebrige i nemara vlasnika, te da je isti imao dobru saradnju i postupao po uputama veterinara ili veterinarskog inspektora. Način procjene vrijednosti i procedura ostvarivanja prava naknade provodiće se kao i za bolesti predviđene zakonom.

6. Sufinansiranje dijagnostičkog ispitivanja krava u laktaciji – Mliječni karton

Sredstva za ove namjene biti će isplaćena registrovanim Veterinarskim stanicama sa područja Zeničko-dobojskog kantona u iznosu od **20 KM**/grlu za **I** kvartal 2012. godine i **10 KM**/grlu za **II, III i IV** kvartal 2012. godine. Veterinarske organizacije koje će realizovati navedenu aktivnost na području svojih Općina će dostaviti kopije izrađenih mliječnih kartona, laboratorijske nalaze i uplatnice o izvršenoj usluzi nadležnom resornom Ministarstvu.

7. Vakcinacija svinja protiv svinjske kuge

Sredstva za ovu svrhu će biti dodijeljena Općinama koje će biti zadužene da putem veterinarskih organizacija, realizuju navedenu aktivnost na području svojih općina, te izvrše vakcinaciju svinja od zarazne bolesti svinjska kuga. Ostali kriteriji će biti regulisani Odlukom o odobravanju sredstava.

8. Dijagnostičke pretrage na druga zarazna oboljenja domaćih životinja

Utrošak sredstava za dijagnostičko ispitivanje pojava zaraznih bolesti, provoditi će se na osnovu naloga Kantonalne uprave za inspekcijske poslove Zeničko-dobojskog kantona – Veterinarske inspekcije.

9. Rezerva

Ukoliko planirana sredstva po navedenim aktivnostima ne budu dovoljna, koristiti će se sredstva rezerve. Također u slučaju pojave epizootija, ova sredstva koristiti će se za nabavku dijagnostičkih i drugih sredstava za potrebe laboratorije Veterinarskog zavoda, u cilju provođenja mjera zaštite zdravlja ljudi i životinja.

IV SVRHA PROGRAMA

Svrha ovog Programa je da se nastave započeti i otvore novi procesi u programu zdravstvene zaštite životinja s ciljem da se ostvari :

- a. poboljšanje zdravstvene zaštite životinja,
- b. prevencija pojave zaraznih bolesti domaćih životinja,
- c. smanjenje i iskorjenjavanje postojećih zaraznih bolesti (bruceloza),
- d. unapređenje rada Veterinarskih stanica,
- e. obezbjeđenje dobre epizootiološke slike na području Ze-do kantona,
- f. zaštita zdravlja ljudi.

V IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2012. godinu ("*Službene novine Zeničko- dobojskog kantona*", broj: 05/2012), u kojem je na stavci "Subvencije - veterinarstvo" u razdjelu 23. budžetska organizacija 01, potrošačka jedinica 0001, ekonomski kod 614400, NAD 405 planiran iznos od **200.000 KM**.

Navedeni iznos sredstava će se realizovati u skladu sa punjenjem budžeta, a na bazi mjesečnih operativnih planova.

VI KORISNICI SREDSTAVA

Korisnici sredstava su fizička i pravna lica koja podliježu kriterijima iz ovog Programa (farmeri, udruženja, Veterinarske stanice i dr.).

Broj: 02-_____/12.
Datum, 24.05.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.